



100



V I R O
ET MVNERE ET DOCTRINA
EXCELLENTI

**IOANNI GEORGIO
WALTHERO**

SERENISSIMI ET CELSISSIMI PRINCIPIS
SAXON. QVERFVRTENSIS ET WEISSENFELSENSIS
CONSILIARIO, PHILOSOPHIAE PROFESSORI PVBLICO ORD.
ET RECTORI ADI. GYMNASII ILLVSTRIS
AVGVSTEI

HONORES ET CONNVBIVM
GRATVLANTVR
PATRONI ET FAVTORES.

L I P S I A E
EX OFFICINA LANGENHEMIANA.

AK





Quae TIBI post longos tandem, WAL-
THERE, labores.
Praemia proueniunt, gloria, sparta,
torus;
Confilio veniunt, non simplicis impete fati,
Auspicio veniunt, iudicioque DEI.
Ex merito veniunt, non coeca voce fauentum,
Virtuti veniunt munera tanta TVAE.
Nuper eras, memini, mecum meminere sodales
Docta philobiblici pars et honora chori.
Delicium Philurea suum TE musa colebat,
Pluribus ingenii foetibus aueta TVI.
TE videt, et visum tiliis Torgauia nostris
Inuidet, et Pindo prae iubet esse suo.
Nec tamen illa suas intra TE continet vlnas.
Principis excitum TE videt ore sequi.
Principis imperio, quo non prudentior alter,
Arbitrium pacis militiaeque gerit,
Cuius et ingenium diuino numine plenum
Hoc agit, vt doctis artibus extet honos.
Obsequiosus abis, adiens *illustre Lyceum*
Praefes, ab AVGVSTI nomine nomen habens.
Vt, qui nunc meritis REINECCIUS auctus et annis
Hoc sub fasce gemit, TE subeunte vacet,
Postque diurnas tanto sub pondere curas
Liberior demta parte laboris eat.
Euge, senex meritis pariter Venerandus et annis
TE praeit; hunc annis TV meritisque refer.
Huic, TE quaeso, meo dic nomine mille salutes,
Nomine huic senium molle precare meo.
Illius immemorem me nunquam, dicque, futurum,
Hoc de me meritis commeruisse suis,

Tunc, varia iuuenem cum me ratione iuuare;
Adhibitumque suis Lankifiisque libris.
Sic TE multa salus maneat, sic, quicquid agendum
Suscipis, ex voto, fluminis instar, eat.

Testandi amoris et obseruantiae ergo laetus
addebat

D. IO. CHRISTIANVS HEBENSTREIT,

in Academia Lipsiensi Linguae sanctae Professor Publ. Ord.
et S. Theologiae extraord. Collegii Maioris Principum
Collegiatus.

Fata regunt homines, sed maximus arbiter orbis
Numine perpetuo, fata putata regit,
Ille dedit nasci, quid? quod praestantius, vnus
Egregios homines impedit ille, mori.
Ille per ambages et per discrimina rerum
Ad vix speratum culmen honoris agit.
Sic ego, quando tuam fortunam mente reuolo,
O dilecte Deo dulcis amice! puto.
Hunc ego, tunc iuuenem non lauta forte fruentem,
Pauperie memini non cecidisse sua
Huic desperatis rebus de limine mortis
Ad vitam numen posse redire dedit,
Seruauitque suis, ne tempora nostra carerent
Egregio meritis et probitate **VIRO**
Omnia nunc rident, clementia **PRINCIPIS**, vxor,
Hoc pretio vellet forte quis esse miser.
Esto diu felix, et, quam tibi prima negauit
Annorum series, vttere forte senex.

Pristini temporis memoriam recolens
scripsit

D. IO. ERNESTVS HEBENSTREIT,

Anatomiae et Chirurgiae Prof. Publ. Ordinarius.

Contendunt Diuae, regnant quae vertice
Olympi,
Iuno, Minerua, Venus, quae potior merita
WALTHERVM Regina Deum maectauit honore
Principibus caro munera digna ferens:
Doctrinam Pallas seuit de femine coeli,
Munus quo sanctum non dedit vlla magis:
Aurea sed ridet Dea Murcia conciliatrix
Accersens sponsam, sponsa Deae similis:

Sed WALTHERVS amat lepida[m], sapientia
cordi est;

Escaque mentis honos; sic tribus aequus amor:
Tres pariterque colit Diuas, petiturque Deabus,
Omnibus optatus, laetior vnde redit.
Omnia dat Phoebus, praestant Phoebelia dona:
Primus honor mentis, gratia in ingenio est.

Amico ter beato dedit,

F. M.

Quid tenui grauius Musae de sorte queruntur,
Digna dari studiis praemia nulla fuis?
Quid se contentas cunctis, quid nullo in honore
Regibus esse dolent Principibusque Viris?
Causa queri non est nostris, dum gloria Phoebi,
AVGVSTVS felix delictumque manet.
Dumque IVENTVTIS PRINCEPS, spes
certa nepotum,
Se studet in Musas aequet amore PATRI;
Dum cognata HEROS exempla secutus ADOL-
PHVS,
Vt timor est hostis, sic amor Aonidum.
Hoc WALTHERE TVIS studiis dignissima dante
Praemia, TE lecta coniuge iungit amor.
Sic amor et PRINCEPS in TE WALTHERE
Camoenas
Non inhonoratas posse manere probant.

Hicse AMPLISSIMI WALTHERI nouos honores et connubium
nuperrime inritum feliciter enenire optat

IOANNES ERHARDVS KAPPIVS,

Eloquentiae in Academia Lipsiensi Professor, Collegii Maioris
Principum Socius et Academiae Decemuir.

Ascendit WALTHER, venit aucto gloria trina
Cum Titulo Munus Coniugiumque simul.
Haec tria perfectum faciant, et Numine Trino
Omnia propitio terque beata fluant!

Memoriae honorisque causa,

M. IO. FRIDERICVS GÜHLING,

Archidiaconus Chemnitienfis,

* * *

21. Nov. 1967

-9. AUG. 1982

78 M 355 (1)

ULB Halle

3


002 188 791



TA 50L

V077







166

V I R O
ET MVNERE ET DOCTRINA
EXCELLENTI
**IOANNI GEORGIO
WALTHERO**

SERENISSIMI ET CELSISSIMI PRINCIPIS
SAXON. QVERFVRTENSIS ET WEISSENFELSENSIS
CONSILIARIO, PHILOSOPHIAE PROFESSORI PVBLICO ORD.
ET RECTORI ADI. GYMNASII ILLVSTRIS
A V G V S T E I

HONORES ET CONNVBIVM

GRATVLANTVR
PATRONI ET FAVTORES.

L I P S I A E
EX OFFICINA LANGENHEMIANA.

Ax

